



Արեւմտեան Հայաստանի Եզգային Խորհուրդ

Նախագահական Հրամանագիր

Թիւ 2011-12-26

Ինքնապաշտպանության եւ անվտանգության ապահովման ազգային համակարգի ստեղծման վերաբերեալ

Հաշվի առնելով.

անցյալում մարդկության եւ հայության կրած մարդկային, հոգեւոր-մշակութային, նյութական եւ տարածքային կորուստները,

ներկայումս մարդկության հոգեւոր-մշակութային, բարոյա-հոգեբանական եւ տնտեսա - քաղաքական խոր ճգնաժամի մեջ գտնվելը, ինչպես արեւելքում, այնպես էլ արեւմուտքում, որը սպառնում է տարածաշրջանի հայությանն ու Հայաստանի անվտանգությանը:

Հիմնվելով.

1. Արեւմտյան Հայաստանի հայերի ինքնորոշման իրավունքի կիրառման անհրաժեշտության վրա, առաջադրված՝ Արեւմտյան Հայաստանի Ազգային Խորհրդի կողմից՝ 2004 թ. դեկտեմբերի 17-ին, Շուշի, (հոդված 5):
2. Արեւմտյան Հայաստանի հայերի իրավունքների մասին Հռչակագրի վրա, ընդունված 2007-ի հունվարի 20-ին՝ Փարիզ, Ֆրանսիա, Արեւմտյան Հայաստանի Ազգային Խորհրդարանի պատգամավորների կողմից, որտեղ հիմնավորված են հայության ազատ կենսակերպի, մտավոր եւ ֆիզիկական անվտանգության իրավունքները (հոդվածներ 6-րդ, 7-րդ, 8-րդ, 9-րդ, 10-րդ, 11-րդ):
3. Աշխարհասփյուռ հայության պետական կառույցի ստեղծման բնական իրավունքի վրա. Հռչակագիր՝ ընդունված 2011-ի փետրվարի 4 ին, Փարիզ, Ֆրանսիա:
4. Արեւմտյան Հայաստանի հայերի եւ Արեւմտյան Հայաստանի հայերի Մշտական, Ձինված, Դրական Չեզոքության որդեգրած քաղաքականության վրա (որոշում թիվ 1/2011 - 29.03.2011 թ.)՝ համաձայն «Չեզոք պետությունների եւ չեզոք անձանց իրավունքների եւ պարտականությունների մասին՝ ցամաքային պատերազմի

Ժամանակ» Կոնվենցիայի հողվածների եւ դրույթների (Հաագա, 18-ը հոկտեմբերի 1907 թ.):

Գրկին վերահաստատելով մեր հանձնառությունը, նպաստելու հակամարտությունների խաղաղ կարգավորման սկզբունքին եւ տարածաշրջանային խաղաղությանն ու անվտանգությանը, ապահովելու ժողովուրդների ազատ զարգացման եւ առաջընթացի իրավունքը:

Գիտակցելով մեր պատասխանատվությունը հայության խնդիրների հանդեպ, հիմնված ՄԱԿ-ի Մարդու Իրավունքների Համընդհանուր Հռչակագրի եւ ներպետական ու միջազգային հիմնարար այլ սկզբունքների ու նորմերի վրա, որոնք առնչվում են հայության ինքնապաշտպանությանը, կյանքի ու գույքի ապահովությանը, նաեւ հայության զարգացման ու առաջընթացի բնական իրավունքին,

Հրամանագրում եմ՝

Արեւմտյան Հայաստանի Ազգային Խորհրդի եւ Արեւմտյան Հայաստանի Վտարանդի Կառավարության Ինքնապաշտպանության եւ անվտանգության ապահովման ազգային համակարգի ստեղծման գործընթացի սկիզբը.

ա) Պատրաստել Արեւմտյան Հայաստանի հայերի Ինքնապաշտպանության եւ անվտանգության ապահովման ազգային համակարգի Կանոնադրությունը եւ Վարքականոնը:

բ) Արեւմտյան Հայաստանի աշխարհասփյուռ հայերը կարող են եւ իրավունք ունեն մասնակցել Արեւմտյան Հայաստանի հայերի Ինքնապաշտպանության եւ անվտանգության ապահովման ազգային համակարգի կայացման գործընթացին և անհրաժեշտության դեպքում մասնակցել հայության եւ Հայաստանի պաշտպանությանը:

Արեւմտյան Հայաստանի Ազգային Խորհրդի

Նախագահ՝ Արմենակ Աբրահամեան

Արեւմտյան Հայաստանի Վտարանդի Կառավարության

Վարչապետ՝ Տիգրան Փաշաբեգյան

Արեւմտեան Հայաստանի Ազգային Խորհուրդ

stat.gov.wa@haybachdban.org